

թէ՛ տաճիկ, թէ՛ պարսիկ: Բազմաթիւ ու բազմատեսակ հարկերի ու տուրքերի, ինչպէս նաեւ կաշառքի ու նուէրների, թալանի ու հարստահարութիւնների մասին խօսելն աւելորդ է. դժբանք միշտ էլ սովորական երեւոյթների շարքում են եղել ե՛ւ Տաճկաստանում, ե՛ւ Պարսկաստանում:

Էջմիածնի դրութիւնը, այդ տեսակէտից, մի պերճախօս ապացոյց է ընդհանուր պատկերի:

Հարկերի ու հարստահարութիւնների շրտորհիւ էջմիածինը հասել էր մի այնպիսի դրութեան, որ կաթողիկոսները օր ու զիշեր հանդիսա չունէին, մտածում էին հնարներ գտնել պարտքից ազատուելու համար: Միաժամանակ երկու կամ երեք կաթողիկոս ունենալը արդէն սովորութիւն էր դարձել: Օգնական կամ ընկերակից ունենալու նպատակով՝ կաթողիկոսները յաճախ ձեռնադրում էին մէկ երկրորդին, մէկ երրորդին, որպէսզի կամ իրենց օձիքն ազատեն պետութեան ու պարտատէրերի ձեռքից եւ կամ 2-3 հոգով աշխատեն, 2-3 հոգով շրջագայեն եւ փող հաւաքեն:

Այսպէս, Ստեփաննոս Սարմաստեցին կաթողիկոս ձեռնադրեց Միքայէլ Սերաստացուն եւ ինքը հետագաւ Պոլիս: Դաւիթ Էջմիածնացին ձեռնադրեց Մելքիսէթին, բայց տեսնելով, որ երկու հոգով էլ չեն կարողանում էջմիածնի պարտքը վճարել, ձեռնադրեցին նաեւ երրորդին, Սրապիոն Ուսայեցուն, որ կաթողիկոս նստեց Գրիգոր ԺԳ անունով:

Կաթողիկոսները աւելի շատ մի տեսակ պետական հարկահաւաքներ էին, քան կաթողիկոսներ: Պարտատէրերի դուրերի հետ միասին — լինին այդ պարտատէրերը պետութիւնը թէ մասնաւոր մահմեդական անձնաւորութիւններ — նրանք շարունակ շրջում էին գիւղից-գիւղ, քաղաքից-քաղաք, դրամ էին մուրում, տալիս էին պարտքը, բայց դարձեալ չէին ազատում: Յաճախ հարկադրուած՝ գիմում էին խայտառակ միջոցների — դրամ կորզելու համար. անարժան ձեռնադրութիւններ էին անում, այս ինչ վանքի վիճակը կաշառքով կտրում եւ միւսին էին տալիս, բռնանում էին ժողովրդի վերայ, կեղեքում-կողոպտում էին նրան եւայլն, այդպիսով զգուեցնելով ժողովրդին ե՛ւ էջ-

միածնից, ե՛ւ կաթողիկոսներից, ե՛ւ հոգեւորականութիւնից: Դարձեալ անօգուտ: Պարտքը մնում էր եւ գնալով զիւզում: Վերջ ի վերջոյ բանը այնտեղ հասաւ, որ «կաթողիկոսքն հանապաղ ի փախտեան եւ ի թաքտեան կային եւ ոչ կարէին ի միում տեղուջ կալ աւուրս երկուս կամ երիս, եւ կամ լուսով տունջեան ի շինէս յայս ի միւս չէնն երթալ, այլ ի զիշերի երթային, եւ յոյժ ողորմելիք էին կեանք նոցա» (Դաւր. Բ. եր. 9):

Այլ եւս չկարողանալով տոկալ այս անտանելի տառապանքներին, շատ անգամ կաթողիկոսները գլուխ էին վերցնում եւ զաղանի փախչում՝ իրենց հոգին պարտատէրերի ձեռքից ազատելու համար: Ստեփաննոս Սարմաստեցին փախաւ Պոլիս, Սահակ կաթողիկոսը՝ Վան՝ Մելքիսէթը՝ նախ Պոլիս, յետոյ Լեհաստան, Սրապիոնը՝ Ամիգ կամ Տիգրանակերտ են:

Իսկ այդ բոլոր նեղութիւնների դիմաց, որ կաթողիկոսները քաջում էին պետութեան հարկը տալու համար, ի՞նչպէս էին վարում նրանց հետ երկրի իշխանները: Ահաւասիկ ձեզ մի Ծահարաս, որը դեռ եւս մէկ հեռատես եւ կարգին թագաւորի անուն ունի եւ իբր թէ բարեկամ է եղել հայերին: Բանտարկում է մեր ամենալաւ կաթողիկոսներից մէկին, Սրապիոնին եւ պահանջում «զանձս յոլովս» — ասում է պատմագիրը: Բայց խեղճը չկարողանալով տալ, բերում են հրապարակ եւ ... «արկին ի վտանգս չարչարանաց՝ հարուածոց եւ զանից. եւ զպատուելին զայն այր արարեալ յոյժ անպատիւ, մինչեւ ի գոհհի ի հրապարակի կախեալ յոսից, բրածեժ առնէին զնա ուժգին՝ աւուրս յոլովս» (Դաւր. Գ. 29):

Կամ՝ նոյն Ծահարասը հրամանադրում է Երեւանի իր խանին բռնել Մելքիսէթ կաթողիկոսին, տանջել եւ իր մոյց իրեն ուտեցնել: Եւ հրամանը կատարում է ամենայն դաժանութեամբ. «Բերին զՄելքիսէթ յԵրեւանայ բերդի մէջն եւ ի վերայ գետնոյ տարածեցին զնա եւ ի չորից կողմանց քարչեալ պրկեցին զնա՝ կապեալ ի ցիցս, եւ արկին յորսայս (մէջքի վերայ. Ի.) եւ առեալ զբեւեռաքաղս, այսինքն քալրաթին, եւ այնու կտրեցին զմիսն ծղեացն, որ է թեւերն, եւ զայն կտրեալ միսն եղին ի բերան նորին. եւ յերկուց կողմանց կանգնեալ